



UNIVERSITETI I SHKODRËS  
"LUIGJ GURAKUQI"

Fakulteti i Shkencave të Edukimit  
Departamenti i Arteve

Rregullore për konkurim  
në programin e studimit  
Pikturë dhe Grafikë

(Cikli i parë i studimeve)

**Pasqyra e lëndës**

Kreu I : Pranimet në konkurs.....	3
Kreu II : Organizimi i konkursit .....	3
Kreu III : Të drejtat dhe detyrimet e konkuruesve.....	4
Kreu IV : Njohja me rezultatet e konkursit .....	4
Kreu V : Dispozita të veçanta .....	5



## Kreu I – Pranimet në konkurs

1. “Rregullorja e pranimet për konkurim në programin e studimit Pikturë dhe Grafikë” e Fakultetit të Shkencave të Edukimit, Departamenti i Arteve në Universitetin të Shkodrës “Luigj Gurakuqi” mbështetet në Ligjin nr. 80, datë 22.7.2015 “PËR ARSIMIN E LARTË DHE KËRKIMIN SHKENCOR NË INSTITUCIONET E ARSIMIT TË LARTË NË REPUBLIKËN E SHQIPËRISË”, në Statutin e Universitetit të Shkodrës “Luigj Gurakuqi” dhe në Rregulloren e studimeve të Universitetit të Shkodrës “Luigj Gurakuqi”.
2. Kjo rregullore e shtrin efektin e saj gjatë gjithë veprimtarisë konkurruese të kandidatëve që konkurojnë për programin e studimit “Pikturë dhe grafikë” në USH.
3. Çdo shtetas shqiptar që ka përfunduar Maturën Shtetërore, ka të drejtë të kandidojë për t’u pranuar në ciklin e parë të studimeve në USH, në programin e studimit Pikturë dhe grafikë.
4. Numri i të drejtave të studimit për këtë program studimi, çdo vit akademik propozohet nga Universiteti dhe miratohet nga Këshilli i Ministrave.
5. Kandidati fiton të drejtën për të konkuruar vetëm nëse regjistrohet në Sekretarinë Mësimore me dokumentacionin përkatës, sipas afateve të përcaktuara në udhëzimet përkatëse të MAS-it, në të kundërt humbet mundësia për të konkuruar në këtë program studimi.
6. Për t’u pranuar në konkurim, konkuresit kanë të drejtën paraprake për t’u njohur me kriteret e veçanta të konkursit për përzgjedhjen e kandidatëve, të cilat janë hartuar dhe miratuar nga Departamenti i Arteve.

## Kreu II – Organizimi i konkursit

**Konkursi i Pranimet në Programin e Studimit Pikturë e Grafikë do të zhvillohet sipas këtyre kriterëve të cilat shpallen dhe u bëhen të njohura kandidatëve për studentë para konkursit:**

- 30% e pikëve fitohen nga mesatarja e rezultateve të shkollës së mesme.
- 70 % e pikëve fitohen nga konkursi i specialitetit, i cili konsiston në realizimin e një punimi në teknikë të lirë (pikturë vaji, akrilik, tempera, teknikë mikse, vizatim me laps ose karbon, etj) duke realizuar një model. Kjo fazë shtrihet në dy ditë me nga 5 orë secila.
- Përmasat e telajos apo letrës duhet të jenë 100 cm x 70 cm.
- Konkurenti gjithashtu duhet të paraqesë edhe një dosje personale me punime (pikturë, skulpturë, vizatim, grafikë etj, etj.)
- Konkurenti mban përgjegjësi për vërtetësinë e dosjes së vet.
- Nëse komisioni vërteton të kundërtën, konkurenti humb të drejtën e pranimet për atë vit akademik

1. Programet e konkursit për programin e studimit Pikturë dhe Grafikë, hartohen nga Departamenti i Arteve, shqyrtohen nga Dekani i Fakultetit të Shkencave të Edukimit dhe miratohen nga Senati.
2. Konkursi do të zhvillohet në dy seanca me nga 5 orë secila, të ndara në dy ditë njera pas tjetrës në ambjentet e Fakultetit të Shkencave të Edukimit.
3. Fakulteti merr përsipër sigurimin e modeleve, kavaletave dhe dërrasave për vizatim.
4. Konkurentët duhet të jenë të pajisur me kartën e identitetit.
5. Konkurentët duhet të jenë të pajisur me telajo ose letra vizatimi të përmasave 70 cm x 100 cm, të ketë me vete ngjyrat dhe të gjitha mjetet e nevojshme për realizimin e punimit.
6. Konkurentët janë të lirë të përzgjedhin teknikën e punimit.
7. Ndalohet rreptësisht përdorimi i aparateve fotografike, celularëve, dhe çdo mjeti tjetër komunikimi gjatë seancave të konkursit.
8. Çdo punim duhet të sekretohet nga komisioni i sekretimit.
9. Studentët duhet të jenë nën vëzhgimin e pedagogëve që nuk janë pjesë e komisionit vlerësues.
10. Grupi i vëzhguesve propozohet nga Drejtori i Departamentit të Arteve dhe miratohet nga Rektori.
11. Komisioni vlerësues për realizimin e konkurimit miratohet nga Rektori, i cili përcakton edhe numrin e anëtarëve mbi bazën e propozimeve të Drejtorit të Departamentit dhe Dekanit të Fakultetit. Komisioni shpallet një ditë para konkurimit dhe njëri anëtar caktohet kryetar.
12. Anëtarët e komisionit duhet të jenë specialistë të fushës.
13. Me organizimin, mbarëvajtjen dhe monitorimin e konkursit merret grupi organizator, i cili miratohet nga Rektori. Kur grupi shikon anomali mund ta pezullojë konkursin deri sa të konsultohet me Dekanin e Fakultetit dhe Rektorin.
14. Sekretaria mësimore (SM) përgatit dokumentacionin e nevojshëm për mbarëvajtjen e konkursit.
15. Çdo konkures është i detyruar t'i përmbahet me korrektësi zbatimit të rregullave të konkursit.

### **Kreu III – Të drejtat dhe detyrimet e konkuresve**

#### **Konkuresi :**

1. Është i detyruar të regjistrohet në sekretarinë mësimore për pjesëmarrjen në konkurs.
2. Ka të drejtë të njihet me formën e konkurimit me qëllim që të ketë njohje të plotë dhe të saktë për realizimin e konkurimit.
3. Ka të drejtë të informohet mbi orarin dhe datat e konkurimit.
4. Është i detyruar të paraqitet në vendin e duhur dhe të respektojë orarin e caktuar për konkurim.
5. Është i detyruar të zbatojë të gjitha rregullat e etikës.

### **Kreu IV – Vlerësimi dhe njohja me rezultatet e konkursit**

1. Anëtarët e komisionit pasi njihen me punimet, tërhiqen në mënyrë individuale për vlerësim.
2. Çdo anëtar i komisionit vlerëson secilin nga konkurentët me pikë nga 0 deri në 210 dhe mbyll në zarf vlerësimin e tij me pikët e shpërndara sipas kodeve të studentëve.
3. Brenda 48 orësh nga momenti i zhvillimit të konkursit, në një mbledhje të posaçme ku marrin pjesë të gjithë anëtarët e komisionit, vëzhguesi i caktuar nga Rektori, hap zarfet me vlerësimet nga ana e komisionit dhe bëhet rakordimi i kodit me emrin e konkurentit. Totali i pikëve të

grumbulluara nga secili konkurent, duhet të pjestohet me numrin e anëtarëve të komisionit të vlerësimit.

4. Në fund të mbledhjes mbahet një procesverbal për vlerësimin e konkurrentëve, i cili nënshkruhet nga të gjithë anëtarët e komisionit.
5. Pikët shpallen brenda 24 orëve nga mbledhja e fundit e komisionit.
6. Fituesit përfundimtarë të Programit të Studimit Pikturë dhe Grafikë shpallen nga MASR. Lista përfundimtare e fituesve shpallet edhe në ambjentet e Universitetit pranë Fakultetit të Shkencave të Edukimit.

Pranimi i kandidatëve në *Programin e Studimit Bachelor në Pikturë dhe Grafikë* bëhet mbi bazën e rezultatit të konkursit që zhvillohet pranë Departamentit të Arteve, të Fakultetit të Shkencave të Edukimit, të Universitetit të Shkodrës “Luigj Gurakuqi”, në bazë të kriterëve të Departamentit të Arteve, si dhe pikëve totale të “Mesatares së përgjithshme të Arsimit të Mesëm të Lartë”.

**Totali prej 300 pikesh ndahet si më poshtë:**


**Mesatarja e përgjithshme e Arsimit të Mesëm të lartë: 30% të totalit – 90 pikë**

**Konkursi i Pranimit: 70% të totalit - 210 pikë (Minimumi i pikëve për fituesin është 60)**

#### **Pikët e detajuara të konkursit**

**1. Punimi i realizuar në konkurs \_\_\_\_ 180 pikë - 60%**

- Kompozimi \_\_\_\_\_ 30 pikë – 10%
- Origjinaliteti në trajtim \_\_\_\_\_ 30 pikë – 10%
- Psikologjia e modelit \_\_\_\_\_ 30 pikë – 10%
- Karakteri i modelit \_\_\_\_\_ 30 pikë – 10%
- Ekuilibri grafik dhe kompozicional i kuadrit \_\_\_\_\_ 30 pikë – 10%
- Raportet e ngjyrës \_\_\_\_\_ 15 pikë – 5%
- Proporcionet dhe saktësia e vizatimit \_\_\_\_\_ 15 pikë – 5%



2. Dosja personale e studentit \_\_\_\_\_ 30 pikë – 10%

- Pikturë ose skulpturë \_\_\_\_\_ 10 pikë – 3.3%
- Vizatim \_\_\_\_\_ 10 pikë – 3.3%
- Kompozim, etj \_\_\_\_\_ 10 pikë – 3.3%

#### **Kreu V - Dispozita të veçanta**

1. Kjo "Rregullore" shtrin veprimtarinë, duke filluar nga viti akademik 2023 – 2024.
2. Të drejtën e patjetërsueshme për interpretimin e kësaj Rregulloreje e ka Rektorati i Universitetit të Shkodrës "Luigj Gurakuqi".